



相續故，強名爲心。如是心中實心相不可得。是心性不生不滅，常是淨相，客塵煩惱相著故，名爲不淨心。心不自知，何以故？是心，心相空故。是心本末無有實故，是心與諸法無合無散，亦無前際、後際、中際，無色、無形、無對，但顛倒虛誑生。是心空無我、無我所。無常無實，是名隨順心觀。知心相無生，入無生法中。何以故？是心無生，無性無相，智者能知，智者雖觀是心生滅相，亦不得實生滅法，不分別垢淨而得心清淨。以是心清淨故，不爲客塵煩惱所染。如是等觀內心，觀外心，觀內外心，亦如是。

菩薩云何觀法念處？觀一切法不在內、不在外、不在中間。不過去、未來、現在世中，但從因緣和合妄見生，無有實定，無有是法，是誰法。諸法中法相不可得，亦無法若合若散。一切法無所有如虛空，一切法虛誑如幻。諸法性淨，不相污染，諸法無所受，諸法無所有故。諸法無所知，心、心數法虛誑故。如是觀時，不見有法，若一相、若異相，觀一切法空無我。是時作是念：一切諸法因緣生故，無有自性，是爲實空，實空故無有相，無有相故無作，無作故不見法若生若滅。住是智慧中，入無生法忍門。爾時雖觀諸法生滅，亦入無相門。何以故？一切法離諸相，智者之所解。如是觀時，繫心緣中，隨順諸法相，不念身、受、心、法，知是四法無處所，是爲內法念處。外法念處、內外法念處亦如是。四正勤、四如意足，亦應如是分別，觀空無處所。

菩薩摩訶薩觀五根、修五根。信根者，信一切法從因緣生，顛倒妄見心生，如旋火輪，如夢如幻。信諸法不淨，無常、苦、空、無我，如病、如癰、如制，災變敗壞。信諸法無所有，如空拳誑小兒。信諸法不在過去，不在未來，不在現在，無所從來，滅無所至。信諸法空、無相、無作，不生不滅，無作無相。而信持戒、禪定、智慧、解脫、解脫智見。得是信根故，不復退轉。以信根爲首，善住持戒，住持戒已，信心不動不轉。一心信依業果報，離諸邪見，更不信餘語，但受佛法，信象僧。住實道中，直心柔軟能忍，通達無礙，不動不壞，得力自在，是名信根。

精進根者，晝夜常行精進，除却五蓋，攝護五根。諸深經法

，欲得、欲知、欲行、欲誦、欲讀，乃至欲聞。若諸不善惡法，起令疾滅，未生者令不生，未生諸善法令生，已生令增廣。亦不善惡不善法，亦不愛善法，得等精進，直進不轉。得正精進定心故，名爲精進根。

念根者，菩薩常一心念，欲具足布施、持戒、禪定、智慧、解脫。欲淨身口意業，諸法生滅住異智中，常一心念。一心念苦、集、盡、道。一心念分別根、力、覺、道、禪定、解脫。生滅入出。一心念諸法不生不滅，無作無說，爲得無上智慧，具足諸佛法故。一心念不令聲聞、辟支佛心得入。常念不忘如是諸法甚深清淨，觀行得故，得如是自在念，是名念根。

定根者，菩薩善取定相，能生種種禪定，了了知定門，善知入定、善知住定、善知出定。於定不著不昧，不作依止，善知所緣，善知壞緣，自在遊戲諸禪定，亦知無緣定，不隨他語。不專隨禪定行。自在出入無礙，是名定根。

慧根者，菩薩爲盡苦，聖智慧成就。是智慧爲離諸法，爲涅槃。以智慧觀一切三界無常，爲三衰、三毒火所燒。觀已，於三界中，智慧亦不著一切三界。轉爲空、無相、無作解脫門。一心求佛法，如救頭然。是菩薩智慧無能壞者，於三界無所依，於隨意五欲中常離。慧根力故，積聚無量功德，於諸法實相，利入無礙無難。於世間無憂，於涅槃無喜，得自在智慧故，名爲慧根。

菩薩得是五根，善知衆生諸根相：知染欲衆生根，知離欲衆生根，知瞋恚衆生根，亦知離瞋恚衆生根，知愚癡衆生根，亦知離愚癡衆生根，知欲墮惡道衆生根，知欲生人中衆生根。知罪衆生根，知無罪衆生根，知逆順衆生根，知當生欲界、色界、無色界衆生根。知厚善根、薄善根、衆生根。知正定、邪定、不定衆生根，知輕燥衆生根，知持重衆生根，知慳貪衆生根，知能捨衆生根。……於知衆生根中，得自在方便力故，名爲知根。菩薩行是五根增長，能破煩惱，度衆生，得無生法忍，是名五力。天魔外道不能阻壞，是名爲力。

七覺分者，菩薩於一切法，不憶不念，是名覺分。一切法中，求索善法、不善法、無記法不可得，是名擇法覺分。不入三

破界壞諸界相，是名精進覺分。於一切作法，不生樂著，憂喜相壞故，是名喜覺分。於一切法中，除心緣不可得故，是名除覺分。知一切法常定相，不亂不散，是名定覺分。於一切法不著不依止，亦不見是捨心，是名捨覺分。菩薩觀七覺分如是。

八聖道分者，正見、正精進、正念、正定上已說，正思惟、正語、正業、正命，今當分別解說其義如下：正思惟者，菩薩於諸法空無所得，住如是正見中，觀正思惟相。知一切思惟，皆是邪思惟，乃至思惟涅槃，思惟佛，皆亦如是。何以故？斷一切思惟分別，是名正思惟。諸思惟分別，皆從虛誑顛倒故有，分別思惟相皆無。菩薩住如是正思惟中，不見是正是邪，過諸思惟分別，是為正思惟。一切思惟分別皆悉平等，悉平等故心不著，如是等名為菩薩正思惟相。

正語者，菩薩知一切語，皆從虛誑顛倒取相分別生。是時，菩薩作是念：語中無語相，一切口業滅，知諸實語相，是為正語。是諸語等，無所從來，滅亦無所去，是菩薩行正語。諸所有語，皆住實相中說，以是故，諸經說：菩薩住正語中，能作清淨口業。知一切語言真相，雖有所說，不墮邪語。

正業者，菩薩知一切業邪相，虛妄無實，皆無作相，何以故？無有一業可得定相。諸業中尚無有一，更無有三，何以故？如行時已過，則無去業，未至亦無去業，現在去時亦無去業，以是故，無去業。除去業，去者不可得，除去者，去業不可得。如是等一切業空，是名正業。諸菩薩入一切諸業平等，不以邪業為惡，不以正業為善。無所作，不作正業，不作邪業，是名實智慧，即是正業。菩薩於諸法等中，無正無邪，如實知諸業，如實知已，不造不休，如是智人常有正業，無邪業，是名菩薩正業。

正命者，一切資生活之具，悉正不邪，住不戲論智中，不取正命，不捨邪命，亦不住正法中，亦不住邪法中，常住清淨智中，入平等正命，不見命，不見非命。行如是實智慧，以是故名正命。

若菩薩摩訶薩，能觀是三十七品，得過聲聞、辟支佛地，入菩薩位中，漸漸得成一切種智。

(完)

(上接第40頁永懺樓隨筆「禪定天眼通的實驗」)

學上的微名，自寫佛教研究散文之後，我失去了文藝刊物的許多讀者與地盤。許多我的文藝讀者說我有「神經病」，說我「迷信」，他們寧願看鴛鴦蝴蝶派的小說和「強說愁」的多愁善感文藝散文，而不再看我的寫實派文章！我的這些損失，相當的大，可是不後悔，我認為我仍應學佛及研究超自然科學下去。世俗的名利，實在不算什麼，有名有利就是做了名利的奴隸罷了。

我自己在永懺樓時常實驗用心力注視海灣的船隻桅燈，試驗用心力去控制燈光開關，我也試驗過用街燈做目標，我在多次的實驗中，發現成功的「或然率」是大約百分之三十至三十五，我祇可說是「或然率」，不能說是已經成功地用心力控制燈光。

我在六月份時，曾經實驗注視餐桌上的一碗野菜，我心中念佛，我希望這碗會移動，奇事發生了，那隻磁碗在桌面自己滑冰般地自行，向我移來。這實驗成功了兩次，但是失敗的次數不知凡幾，那兩次的成功，大概也是偶然而已，而且湯碗移行不多路，第一次祇有約十二英寸，從檯內走向檯邊我面前，第二次祇有五六寸，我喚母親來看，她趕到時祇可見到尾的半寸移動。

關於天眼實驗，則成功率較高。

天眼通的實驗，除了我數年來不時將預見的事情發表預告之外，還有很多佛教友人及基督教友人來監督實驗。我實驗的預言。在「內明」發表過數則，其中包括中東的新戰爭——以色列後來攻陷貝魯特，屠殺居民，驅趕「巴解」到阿刺伯各國，這一則預言其實祇可算是常識，如今我再補充此則預言：以色列驅趕「巴解」散居各地，自以為從今以後安居高枕無憂，但我看見這是等於癌細胞的擴散，三五年後，巴解捲土重來，阿拉伯十三國合攻以色列，耶路撒冷的磚石上沒有一塊不染滿猶太人的鮮血！以色列重陷亡國之痛苦悲慘！我們不妨拭目以待吧！（預言的暗殺之首事件三件又一件應驗了！）

(未完)